



留計東歸贈言小引



化自幼學易而有感于易之  
所稱龍德也樂則行之憂則  
違之確乎其不可拔乃知君  
子當我道消長之際衆方失  
厥所懷來君子獨神于其幾

微章剛柔應之如環故稱萬  
夫之望夫松栢不與蒲柳爭  
而冰枯雪老自足領袖陽和  
騶虞不與豺虎爭方其磨牙  
吮血之時惟有却是深林耳  
君子之進退亦若是而已雖

然此其間有成局于胸中性  
以植之學以淬之非取辨于  
咄嗟之意氣也猶憶我

師司李雲間年方少剛毅之  
氣凜不可犯所供三淵水千  
里尊耳至不言而飲人以和

又如披春風莫不意消歷試  
中外朝野之望愈隆留都重  
地正人君子方藉以依歸乃  
痛逆黨之毒焰不忍坐視一  
旦拂衣而歸高卧東山是時  
識者莫不咨嗟歎息祖帳勞

勞驪歌載道

王大家宰恬雲有云急流自  
昔臣隣重嫖節重煩

御墨題蓋實錄也時奉有以昭  
嫖節之

旨故云迄今誦諸篇什恍覩我

師清風勁節真如千仞之輝  
疇能攬而下之人但知碩果  
不食見今日之天心然非志  
不渝命又患能含章以默回  
造化耶我

師生平不喜危言激論皦皦

一時朴誠應物一似洛下司  
馬或出或處如刀圭之真可  
起痿菽粟之果能療饑至大  
節所在屹然山立直令羣小  
膽落方車騎之出石頭城兒  
童父老爭嘆黑頭公何遽便

東歸則言  
旋乃化自去冬來京我  
師以

環召拜大司農晉

宮保數得入室請益雖風神精  
采不減留都第蒿目時艱苦  
心康濟頓令新舊二餉在在

圓滿每一覲而髯為之一枯  
古稱老成謀國退亦憂進亦  
憂不虛耳化適承乏八閩學  
政拜辭函丈謹附數言于卷  
端以識仰止云

崇禎一年歲在屠維大荒落

月 在 姑 洗 之 吉

賜 進 士 出 身

欽 差 福 建 等 處 提 督 學 政 按 察

司 副 使 華 亭 門 人 何 萬 化 頓

首 拜 撰

留 計 東 歸 贈 言 目 錄

四 言 古

劉 民 悅 七 章 章 八 句

五 言 古

徐 憲 卿

曾 日 唯

韓 位 甫

朱 知 璠

畢 生 輝

七 言 古

張鶴鳴

方一元

楊 鎬

周士登

曹可明

蔡三復

于燕芳

弟自寅

有序

五言律

蔣守藩

二首

七言律

王在晉

四首

倪斯蕙

有序四首

林 宰

二首

顧起元

俞 彥

顧起鳳

姚履素

徐弘基

張錫命

魏浣初

姜一洪

朱 葵

林應聚

四首

錢承擴

王濬初

溫 禧

田所賦

二首

洪聲遠



單養蒙

劉大川

陳開泰

邵繼孟

張鳳翼

王政

顧國縉

張可大

楊大烈

吳日景

邵士逢

孫之獬

五言排律

杜士基

葉天陞

趙嗣芳

張有譽

霍化鵬

薛坤

朱慶棐

朱知城

七言排律

楊棟朝

潘光祖

郭文封

田有年

顧國縉

弟自寅

七言絕句

王建忠 六首

唐汝詢 十首

留計東歸贈言

弟吳橋令畢自寅彙輯

長樂郡  
振野西  
諸君本

男官生際壯

官生際有較正

四言古

屬吏江夏劉民悅

惟嶽美畢公也公以南大司徒請告

詔嘉答焉君仁臣良賦惟嶽

惟嶽岱宗其雲熊熊觸石膚雨寰瀛是同維賢式  
鍾爲卿爲公爲國棟隆洵我畢公

惟公忝德繩其祖武補 帝袞黼正色率下凡百

有士循循其組惟矧惟桀以譽以處

惟東有奴訏於海濬 帝命督撫鞠旅津門乃武

乃文其旂焯焯餉我三軍士飽馬騰

帝念南都乃命司徒忝我國儲根本斯勳億萬仰

哺自南自北載將載輸何天之衢

公拮据只民汔紆只爰乞休只 帝曰俞哉爾績

載嘉爾節載媵佚我耆耇令聞斯遐

泌彼淄水其流涓涓有園有丘可游可漫有琴可

彈有書可翫貽爾子孫式穀以燕

帝有溫旨公歸自濟毋遘其驅蒼生望只令名斯

完嘉賓燕喜公拜稽首 天子萬禩

惟嶽七章章八句

雷計東歸贈言

弟吳橋令畢自寅彙輯

男官生際壯

官生際有較正

五言古

贈大司農畢老公祖五言古一章

古婁徐憲卿

青域畢夫子矯矯負靈植清毓萌水源秀挺巒山

色初司雲間理繼拜爽鳩職平反照覆盆凜冽剪  
荆棘秦晉多奇豎罔卿膺內秩經濟固難量心計  
尤超軼再帥東諸侯海外渡玉粒關寧挾纊溫東  
江亦足食六師懽未央距曲躍唱拍到處能不朽  
秦松與漢栢八座領留計休休類無識目擊庾藏  
空三疏抒忠赤勞薪憤懣深謝客餌芝朮叅衡旦  
晚間棄擲如遺跡竹溪六逸堂可霍憂時疾大清  
小清流聊以資嗽石奠折補缺手豈容擁雲息藍  
壁竟夕輝終爲良工得

屬吏光山曾曰唯

錦衣當晝遊冥鴻羨元老名哲澄靈襟保身機獨  
早綸綍稠疊頒寧比歸來好釣竿風雨收驚濤一  
線掃東魯山色穠可以狎綺皓束公扶天手林泉  
屬幽討美哉喉舌司榮旋亦奇造

屬下充壹韓位甫

四序有代謝壽敢居成功豈不戀明主退休微尚

冲所以洛師又碩膚念明農臣某拜稽首還笏歸  
山東優詔特嘉答廉頑激頽風五畝花竹秀一溪  
荷芰溶菽麥足饘粥詩書當笙鏞龐老思貽安柳  
下不易公日飲神泉水時尋鹿皮翁邑子實骯髒  
晚歲纔登龍未進玳橋履敢叩豐山鍾他年登日  
觀樞衣訪鴻濛

奉贈白翁老先生榮歸一省兼求教正

通家鄉晚生朱知璫

祥麟出海隅瑞靄騰員嶠威鳳鳴高崗文彩炳二  
曜君子有徽猷德音翔清廟憶公起海東魏科發  
前導一再縮兵符聲名走遐奧勁氣肅瀾安仁風  
解懸倒劍鋒匣青鱗旆影收赤鷁至今東北鄉偉  
伐仰洪造 聖人旌神略司農得內詔遠餉無逸  
期雜轉隨所調古來蕭劉後微公孰能肖髮雖爲  
國白神采彌英邵豈謂泉石心急流遂高蹈璫也  
守桂藁顧盼激清照珠玉數千言感載入懷抱在

音志所私敢日瑤華報翹首謝東山出爲天下効

宗侄生輝

元凱表虞廷邈矣今誰嗣吾宗司徒家八士相輝  
賁叔夏對公車南宮望標幟季駟屏關門奴虜靖  
烽燧燁燁表文昌仲忽躋三事惟 帝急畱儲欽  
爾抒勤瘁四十八衛中如饑方得孳何哉虞滿盈  
忽遂思休致曳履星非遙歸舟風已駛眇余忝阿  
咸又復竽曹吏所嗟旬月間後先違交臂葛藟紛

相糾樾蔭畱餘庇儼從繩墨中猶想輪人意雖忻  
家有儀寧忍 朝無貳以茲稷契儔可益巢繇寘  
亟矣拂茵旒 內召行將至

留計東歸贈言

弟吳橋令畢自寅彙輯

男官生際壯

官生際有較正

七言古

江上老漁行爲贈大司農白陽畢老年丈請  
告榮歸

年弟穎上張鶴鳴



披香青虺三千丈裂雲掣電飛天上鄴城花艷女  
兒多白櫻桃盡奈若何巢燕喃喃出吳宮栢梁午  
夜金盤紅老漁江上釣江春撥刺呀呷雙錦鱗換  
得江邨酒一盆掉入烟波不見人

南和方一元

神皇昔日嘉耆舊半若齊賢貽厥後一時豐草與  
長林石以枕兮流以漱悠哉枕漱亦 主恩九闈  
曷報咸思扣鼎湖遺 詔勤訪落及出東山何所

作白陽先生名世儔岱宗珊瑚靈氣托清任和兼  
到大卿苦心不是博功名司農 豐鎬便吏隱署

前山舊復江清猶嫌未若泰山下七十二泉泉上  
耕忠勤久荷今 皇鑒豈有功成令缺陷朝拜乞

骸夕拜歸誰謂先生易拂衣今皇皇善法 神皇  
意體大臣宜貴得微 聖世畱餘藉元老莫作尋

常視釣磯白駒空谷弗草草已卜東山出遲早吁  
嗟乎二疏之行重千古立朝少見存遺吐先生行

矣有留者中外紀勳猶可數留計疏草特一斑欲  
識先生考其語

年家屬吏錦城楊鎬

時當海內誦兵食特拜司農爲周急偉哉我公膺  
厚 恩曳履南來殫心力根本重地回空虛能易  
嗷嗷爲嘖嘖無人無我似浮雲足食足兵真報  
國公家吏部舊有名會計度支先率職位譽方崇  
倚眷殷疏議宏才兼膽識胡爲瑞鳳千仞翔欲作

大鵬六月息力請 天庭乞 賜閒百寮需賴何

憑式予也小子更依依與公愛弟况同籍趨送匪  
徒堂屬情相期端見棟梁植白門祖餞盛衣冠綠  
野遊娛暫文墨 帝心簡在卜金甌元老終爲  
聖君翼

屬吏毘陵周士登

周家修誦畢公烈海岱畢公尤卓越武庫蟠胸六  
宇雄文章經世中原絕持平法署稟蕭規治獄無

寬定國埒仁恕公明兼擅之長才潔守誰頗頡叅  
藩晉秩表羣寮八面威名何凜冽韓范奇猷星斗  
寒匈奴羅拜膽背裂金城方略動楓宸借筋瀛津  
主眷切百萬軍儲待轉輸叩閤費盡幾心血賜金  
賜爵酬膚功握計周詳劉宴策半壁東南倚借殷  
功成身退不煩決洛社香山何陶陶放飲高歌隨  
疊疊不覩商山黃綺公于今千載仰高節 聖明  
羽翼應思公震履旋看曳帝闕

屬吏勾曲曹可明

方今畱計計不支司農仰屋虞焚絲誰提空乳乳  
羣兒我公至止獨云否炊婦有無誰分咎有米而  
炊何需某怒然持籌問倉困批奸直欲批狂狷肯  
使左右憑叢神水滴石穿嗟自昔凜凜奉行惟三  
尺自茲泉府多哀益哀益萬方難具陳試觀道路  
無脫巾水輪陸輓已駢駢昔何以饑今飽伍昔何  
以通今紅腐漏下衡書良獨苦惟予羣隸承下風

一見甫驚黑頭公未幾華髮已鬢鬢固知盡瘁惟  
公獨公不巖廊不樞軸誰實裋休誰造福方期驛  
召自天來公獨攬鏡驚霜皚此種種者胡爲哉  
曰予拮据已極矣胡不聞之貴知止我其陳詞告  
天子天子重瞻股肱賢東南半壁惟爾肩爾姑  
息肩宜淄川淄川實非考槃室庖刀善藏方善出  
雒社暫爾棲君實一朝綸旨飛丹楓飄飄歸與逐  
征鴻輕裝夕指般陽東裝無長物圖書在鬱林片  
石猶云礪賢哉大夫衆所蒙蓋聞江湖心廟廊矧  
今時事多搶攘誰云泉石可尚羊都門供帳盈江  
潯共歌九戩爲公祖願公信宿膺華黼

屬下古沔蔡三復

大海茫茫吞淮濟浸地稽天渺無際岱宗峩峩表  
八殫篤生我公真名世津門治餉關治兵籌軍儲  
國多血誠但聞壁壘一時變狡奴不敢驅長旌御  
史執法百寮率矯矯人中推屈軼神羊觸邪邪屏

藏簪筆生風霜凜粟東南倚命惟司徒心計猶稱  
鼂大夫言念財貨稱泉府泉流入入宜均輸舊額  
逋借外者竭積蠹耗蝕內者滌楚賦之波逝不還  
旁竇新增隄亦穴一一裁量奏 帝聞 帝意從  
之若靡遑直令衰繭色漸起又復三殿亟輸將正  
爾 明廷勤借箸公忽抽簪賦歸去去矣當如蒼  
生何道路驚傳胡太遽慚予駑鈍蒙驅拂辱比參  
苓成藥物顧今感激豈私恩所爲 廟廊思黼黻

江湖 廟廊故相關鴻飛遵渚公其還天爲保釐  
屬元老太傅豈得淹東山吁嗟乎太傅豈得淹東  
山

奉送大司徒白翁畢老師 予告暫歸七言  
古一首

門生雲間于燕芳

龍江雪霽新蟄垂傾都祖餞問送誰行路日嗟嗟  
信宿信宿袞衣心傷悲初自公來秉畱憲大法小

廉墨吏遜巫紛鞅掌白簡持婺卹血腔皂囊獻未  
幾有 詔陟司徒杼空所在告庚呼何人視國如  
視家一疏再疏修髯枯惟是補浴藉敷擾公私兩  
裕慰億兆至尊色動上卿賢封事每奏輒俞表一  
朝移疾賦遂初溫綸朝拜夕懸車 主聖臣貞堪  
萬古折柳何事獨欷歔歔歔風人歌采艾銷魂淥  
波映征蓋差喜長白春爲期從公賭墅東山靄屈  
指携筇碧嶂中急流勇退黑頭公只恐時艱釣渭  
暫宵衣早晚載非熊

咏石隱園詩

六弟自寅

司農白陽兄自爲郎時闢地爲園松竹鬱葱花  
卉精好疎堂小閣華而不靡前後左右峙有玄  
象靈壁魁星月窟菡萏鳳翔垂雲太樸秋鷹峨  
豸十石盡態極巧饒有幽趣號爲十友題曰石  
隱園及畱計歸徜徉其中陶陶如也雲間門人

于馭先負笈過從爲作石隱園記十石各系一  
絕余因嘆吾兄立朝勲業俊偉彪炳難以枚  
舉未杖拂衣樂志泉石因象命名良有契合非  
偶然也輒賦排律古風各一章讚詠其事

司徒園中何不有問園何以石隱名曾佐聖明  
執大象故邀玄象作主盟樸茂古風振頽俗靈心  
妙手抉玄精關西鷹隼門庭列江左魁元月旦評  
餽餉航檣雲俱進捐輸心事月同明豸冠迭握兩

都憲鳳誥頻頒三代榮茂叔池開香逾遠晉公  
堂闢韻彌清神交麋至爲朋侶道契行聯作兄弟  
愛石欲將石俱隱豈同曲士守硜硜擎天砥柱暫  
休沐終日閉關介石貞共道東山謝安石他時廊  
廟作璜琮阿誰爲君記石隱瑯瑯擲地有金聲

畱計東歸贈言

弟吳橋令畢自寅彙輯

男官生際壯

官生際有較正

五言律

粵西蔣守藩

相臺尊獨坐蘭省履中樞  
霜氣千林肅泉流萬派  
輸安危憑碩望獻納藉訐謨  
錦里洵云樂蒼生早



待蘇 其一

陪京湯沐重往籍版圖存物力惜南國葵心映曉  
暎斗旋杓自遠莖直露猶蕃林壑寧長戀蒲輪早  
拜恩 其二

畱計東歸贈言

弟吳橋令畢自寅彙輯

男官生際壯

官生際有較正

七言律

拙句贈大司農自陽畢老公祖得請榮歸

舊治年弟王在晉

一封直上解朝衣王事勞人問息機三老那堪同

去國二疏爭似識先機雄材歷下今無敵勇退都  
門近亦稀獨愧駑駘猶戀棧勦勤久與世相違其  
周南旋旆指三齊霜落丹楓葉滿谿江上同人吾  
老矣天涯遊子賦歸兮急流自昔臣鄰重嫖節重  
煩御墨題黃髮向來堪顧問徵書東下莫言稽其

戊辰春日有懷白陽畢老公祖又賦二律時

已得請歸里

黎陽王在晉

家園松菊久相違明月江頭憶釣磯自是東山高  
蠟屐每從泰嶽望春暉廟廊昔日多黃髮鄉國  
於今半白衣別後幾迴頻送客渭城楊柳色依依  
共一

聞說倉廩粟朽紅而今時事問蒼穹漢家本計先  
湯沐周室人材讓畢公河海輓輪添百億東西兵  
車嘆三空聖朝上佐還思舊指日丹書出禁

中 其二

年弟渝州倪斯蕙

余自壬辰釋褐同白陽畢公謁天官選公得  
雲間李余得楚澤令一行作吏南北各天聞  
問遂蛩然矣乃公敷歷中外駿聲蔚起廻翔  
南北周踐臺部蓋吾榜中白眉也不佞蕙自  
謝銓務一臥二十餘年姑從兵燹之後再成  
小草得侍公於南大司農部也日共朝夕奉  
以周旋亦奇合哉公地望隆甚中外引領公

入筦銓衡晉陟揆席乃公遽以告老求去公  
何嘗老哉 上不忍拂公之意暫從其請且

夕且 召公矣才賡填筦遽賦繡袞三十年  
何握手之難而分袂之易也謬成四章以別

三朝元老大司徒媲美賢哉漢大夫暫許畢公離  
左右豈同賀監乞江湖豐城斗燭難埋劍溟海淵  
深更媚珠 聖主有恩容賜沐久虛麟閣待君圖

其一

此去懸車十二年飄然誰不羨登僊老臣去國心  
猶赤蚤歲辭榮髮尚玄家近東山瞻日觀階聯南  
斗切星懸青松白石堪爲侶只恐林巖未穩眠其二  
寥落知交漸漸稀朔風颯颯話將歸一尊千里悲  
離席九罭三章賦袞衣偏愛丹崖違俗好豈應白  
眼傲時非持籌斲捲絲綸手且理漁竿上釣磯其三  
如雲供帳出郊關人指溫公向洛還綠野儘容開  
白社明時豈合臥青山籌邊曾借談兵外裕國頻  
勞握算間若有四夷問出處爲云司馬正紅顏其四

通家侍生漳江林宰

朔風吹雪度離旌咫尺登僊羨此行歸去泰山九  
鼎重謝將國計一身輕清朝斲許榮歸沐聖  
主終應憶老成珂重東山須善飯廟堂旦夕待持  
衡其一

望望清齊路未賒聖恩特許斲還家金門漸遠  
三山色玉洞將開萬樹花似爲三朝優大老豈

容一壑臥烟霞東山只恐難淹久會睹新除出御  
麻 其二

江寧顧起元

履聲共識漢尚書忽憶東山賦遂初 帝許杜公  
藏武庫天容李相適安輿松岩舊種龍鱗老竹徑  
新添鳳尾舒 國計尚須頻借問茸霖猶自望波  
餘

江右後學俞彥

乞得東郊未老身頗教豐芑失元臣海鷗已狎忘  
機客楚鳳從悲岐路人一飯何曾遺 聖主二毛  
真欲感比鄰所嗟遼褻連溟渤佇看蒲車下隱淪  
江寧顧起鳳

班頤文昌傍紫微東山未許北辰違陪京牖戶思  
黃髮鄭武其棠寄袞衣身繫安危留 主眷道隨  
舒卷豈知希綸闔祇今宵肝切佇看司馬總揆機

白下姚履素

畢公事業耀三宸忽厭風塵乞此身竹葉江湖漁  
艇夜梅花煙雨芟裳新岱宗山色朝生翠渤海波  
光遠媚人記得爲郎同舍日燕臺揮塵白雲春

魏國徐弘基

躋榮八座賦歸田別墅東山紫氣纏耆舊清忠旌  
列聖鎬豐德愛被千年定知新寵頒來渥自是  
元臣望獨先堯佐未容稱慶老安車猶冀入朝

天

送白翁大司農先生榮歸

東川張錫命

節鉞親持靜碧流東來稜氣一時收丹心自許  
三朝顧黃髮偏深四海憂秋月春花饒詠嘯清泉  
白石恣夷猶休言歸臥雲林久祗恐蒲輪只尺投

姑蘇魏浣初

重軫東西目爲蒿軍輸無奈望投醪司庾曲使傾  
儲應當宁深知仰屋勞歷盡崎嶇憐驥足放開空

潤遡鴻毛誰云汗漫滄洲興一柱依然戴六鰲

贈大司徒畢老先生得請旋里

姚江姜一洪

台星長嘯紫薇宸此日懸車駕五雲國計久需籌  
石畫 主知今已賁元臣三朝望重垂青史八座  
名高耀聖林從此頻來 天子顧功勲應共斗山  
尊

屬下司務年侄朱葵

畱計欣聞曳履聲尊鱸忽起故園情冰心一片風  
頑懦姱節千尋動 聖明時奉有以昭姱節之旨故云岱嶽峯  
高秋月朗淄城雨過暮雲橫時清未許鮑泉石竚  
建三旌秉國成

屬吏清漳林應聚

八座崇階尚黑頭遽將簪組付滄洲功成欲辟留  
侯穀勇退先浮范蠡舟從此 聖心勞夢寐其如  
國計莫分憂願公亟慰蒼生想肉食而今慚遠謀

其一

歸舍遙將 帝旨頒 殊恩繾綣幾人攀  
清風長拂司農署 卿月孤懸碧海灣  
仲父才高宜握計 謝公望重豈投閒  
此行煖席無多暇 佇奉徵書願鶴班  
其二

釐保勲崇徹 紫宸鴻飛漸息謝  
風塵壯猷何事辭 明主嫖節于今表  
大臣南國紳纓虛曳履 東山烟月好垂綸  
但愁四海多虞日 難賦歸來老此身

身 其三

喜從畫省霑光輝 一自投簪願已違  
黃髮邇來看漸少 白駒此去音還稀  
時艱莫說宦情薄 身隱仍憂邦貯非  
不獨屬員偏惜別 兒童擁道望公歸  
其四  
屬下西蜀錢承擴

北斗璣衡 主眷深辭榮知足  
老臣心忠畱鳳閣 山公啓興寄龍門  
白傅吟紫氣 曉瞻函谷馭 褒綸恩重漢庭金  
勛名長繫蒼生望 終見商巖起作霖



屬吏雲中王濬初

上臣經濟媿夔龍岱嶽峻嶒世所宗秉憲久推三  
獨坐持籌專仗大司農聲馳西北消塵警政治東  
南見賦賓妙矩最堪羣屬式斗邊僊履許誰從

屬下巴蜀郎溫禧

龍馬精神海鶴姿獨司北斗佐明時 三朝望重  
需調鼎千載清風蚤茹芝裴野黃花畱晚節楓宸  
天語沛溫詞蒼生未輟東山想勲德應勞 聖

王恩

奉送白翁老堂翁老先生榮歸

年家鄉晚學田所賦

勒就燕然手重摩功名鍾鼎轉嗟峨東山詎肯終  
安石銅柱從來倚伏波輪輓定勞黃髮久林泉忽  
藉碧雲多休言畫錦春如海祇恐蒲車只尺過

其二

一疏批鱗乞此身手持優 詔挂朱輪粉郎滿坐  
推先達蓮府諸公拜後塵柳色漸隨蘭棹遠梅花

亂撲酒尊新懸車綠野從容日正及雲林醉好春  
其二

屬下古黃洪聲遠

東嶽崔巍接太空靈鍾元老道彌崇憂時漸覺添  
華髮報國唯知秉赤衷三徑黃花榮晚翠百年青  
史勒高風身懸四海蒼生望千載重誇洛社翁

屬下古蓼單養蒙

颼颼風吹江上岑江干頓起竹溪心當年幾曳尚

書履今日忽投太傅簪兩袖清風歸夾谷三司耳  
雨遍蒼黔保釐從昔公家事行看宣麻范水濤

屬吏易水劉大川

上臣憂國豈謀家經濟三朝髮未華宸鑒卽今懸  
日月山林何必戀烟霞早霖碩望知彌切 環召  
新恩定可誇司馬自堪駭虜膽邊烽行見靖胡沙

屬吏粵東陳開泰

鄴下多才近若何清尊言藉故田莎賦歸不爲荒

三徑知止常思擲一梭禾熟玉山堪果腹夢閑綠  
莖倦鳴珂于今海嶠皆羊謝莫道碩人自寤歌

屬下上黨郃繼孟

碧霞翠嶧峙高崧申甫應推社稷功漕艘榜歌清  
濟月戍關饒和黑山風北門囊策猶餘皂南國倉  
庾尚積紅赤鳥豈聞同墜履渭川應復起飛熊

東郡張鳳翼

春風旌彩大江邊南國羣僚袒祖筵此日笑譚追  
二疏他年夢卜注三銓津門需餉身先急會府兼  
漕脉自聯元老只如尊泰岱逍遙洛社領真詮

晚學秣陵王政

共識星辰曳履聲荷囊忽謝起歸旌東山已隱

三朝望 北闕還期一德賡籬菊延年榮晚操羅  
蘭香國紉芳珩蒼生霖雨思偏篤旦暮蒲輪想起  
迎

門生雲間顧國縉

當途誰肯賦遺榮  
公獨翻然去舊京  
冰合長干旌  
旆遠風暄夾谷  
薜蘿生謝家  
雙玉千雲秀  
于史門  
高結駟行黃髮  
廟廊求正急  
鶴書早晚下  
延英

楚環張可大

經綸妙手壯王猷  
保障江南最上游  
蒿目軍儲杼  
石畫勞心國計抱  
深憂  
聖明慙許歸香社  
察察  
爭誇向十洲  
盼望錦帆移別浦  
不勝雲樹思悠悠

岱東楊大烈

應懷長白舊雲峯  
此日懸車興愈濃  
海岱共迎新  
逸老鎬京瞻送大  
司農  
籬邊灑酒纔移菊  
澗外携  
琴偶獨松芝草  
神泉能注世  
鹿皮前代有遺蹤

白翁畢老年伯錦旋俚言奉送

年侄秣陵吳日杲

元老朝廷倚度支  
如何勇退急流時  
溫綸暫許鵬  
爲息重望兼看鳳  
有儀京國入燕銓  
待握郵亭歸  
魯傳聊馳獨憐猶  
子年家誼世世  
惟翁感最知

俚言奉送大司徒白翁畢老先生畫錦

通家晚學邵士逢

黃閣勲名切上台赤松何事早歸來東南不復煩  
籌箸中外空瞻酌斗才手演一函充宦橐望隆三  
錫動罍罍它年屈指蒲輪詔好向臨淄綠野開

祝其孫之獬

石頭王氣藉公揚突爾縣車鬢未蒼供茹芝探四  
皓紫欲分金乏兩疏黃勒名鼎上蟲魚瘦賜澣湖  
中烟月長只恐東山棲不穩九州轉運苦戎羗

留計東歸贈言

弟吳橋令畢自寅彙輯

男官生際壯

官生際有較正

五言排律

門生雲間杜士基

間氣鍾名世文昌拱舊京岱宗聿表峻滄海共涵  
清偉略三朝望崇標八座傾烏臺方秉憲鳩府更

提衡水旱天行劇札瘥物力悍縱稱財賦窟安得  
廩儲盈吏弊紛難詰民艱未易鳴焦心厯設策蒿  
目閱持平輪輓纔能繼歛施恰中程果然克士腹  
展也豫 皇情會有 褒綸屈旋看晉秩迎林泉  
忽引興簪紱澹浮榮悟 主心逾切抽身慮更明  
懸車太早計聽履尚餘聲未穩山窓臥常叅斗柄  
橫能潛復能見難弟亦難兄闔外收奇捷朝端仗  
老成齊流竹帛譽金勒鼎鍾名此日壺漿送當年  
圖繪并感恩矢下里聊爲竭衷誠

大司徒白翁畢老先生蒙 恩予告敬賦排  
律二十四韵以摠欽挹之懷

年家晚生葉天陞

錫命周常伯辭榮漢大夫津門先握節戶貳遂懸  
符兵餉權交鉅風霜塞更逾天驕尋遠避 帝眷  
益旁敷總憲神臯重司徒豐鎬殊金錢苦綜核庚  
癸杜潛呼憂國情偏切持籌鬢欲枯丹心標疏草

嚴令費紆圖士馬皆騰躍倉庾漸轉輸清風輝黼  
座夜月湛冰壺當道推元獻羣髦羨表模壯懷惟  
補袞歸夢每烹鱸一疏排天闕千秋表大儒  
皇仁昭姱節臣道凜遐趨祖帳東門盛芳踪異世  
孚年家誼不淺頽俗氣能扶時事紛披後朝端  
功績需春明鶯語滑浪暖鷓飛娛擺脫超塵壒殷  
勤引海隅彈碁安石墅醉酒步兵厨聽履先垂則  
迨近有謨歸鞭應未穩仙詔欲來紆試看蒲  
輪使行當耀遠途

屬下年家晚生趙嗣芳

勇退初衣遂孤標負絕塵風雲扶正氣海岱毓名  
臣有念皆謀國無營但致身賢聲蜚李郡起草動  
楓宸網釋蘇凋瘵波寬縱涸鱗豸繡關河徧恩威  
電露勻聖朝資弼亮百辟藉陶甄鵲印清戎索  
鷓班領縉紳津門擎一柱社稷倚千鈞喉舌階  
愈峻度支績轉新中外搶多務南北共憂貧大都



商銖兩豈有粟紅陳簡括匠心計節縮總眉顰叫  
闍杜鼠雀握算廩軍民何以念松菊竭然想鱸蓴  
引年非洛社高臥已滄濱岩雲生佩劍海月伴垂  
綸徙倚丹經在行吟綠綺親紫芝餐作餌黃綺結  
爲鄰野水橫舟艦物望屬松筠願言高赤鳥珍重  
待蒲輪

大司徒畢堂翁老年伯蒙 恩予告敬賦五  
排二十四韵以述鄙懷

屬吏年侄張有譽

問氣鍾齊魯明公邁等倫 中朝推姱節南國表  
儒紳一自持籌日偏勞報主身篝燈咨帑絀雪涕  
悵廩貧脉絡從來久侵漁那可陳軍興苦凋敝肉  
食但吟呻庚癸呼非遠壘瓶耻有因傷心懷杞慮  
草疏感 楓宸握髮憐才急虛衷下士頻無聞徒  
潦倒有幸荷陶甄束帶攀稽後趨曹御李新立談  
標矩誨起草出迷津共羨衝邊略能生重地春陽

同將朽木沫潤欲枯鱗 皇眷方聽履閒情忽憶  
尊高風千古隻短奏數行真祖帳東門勝 恩綸  
北闕新憂時羣罷市慕誼獨霑巾于役羈江介前  
驅到海濱漫傳歌召憇遙拜頌莊椿未許便高枕  
相思早賁輪尼山原誕聖泰嶽總生申虞夏多求  
舊春秋賴統均調元顏正渥拭目冠麒麟

屬吏南海霍化鵬

蕭相轉輪日畱侯辟穀年扁舟移柳外萬騎祖江  
邊鷗雨宿中細豚風拜上平烏衣維晚棹黃鵠引  
歸舷行止適然事家國夢裏天持籌嗟獨苦釋負  
得毋偏庚癸呼逾急東南力已朘治安餘漢策菱  
芾想周賢朱綬真長物蒼生豈恻然懷人歌不盡  
甚者涕交漣別墅新題咏汾陽暫敞筵君恩無限  
處未許臥林泉

閩清薛 坤

聖世逢霞舉軒軒出上都春風推去轂花雨擁歸

途魯酒酣東嶽秦松揖大夫高天才聽履南國久  
紆謨霄漢瞻黃鵠人間咏白鳧軫時方有託懷德  
豈能孤麗藻山川毓風期日月扶繁花爭畫錦素  
雪映冰壺氣向函關識功仍漢閣圖攀轅無計及  
惆悵枉吾徒

通家鄉晚生朱慶棐

烜赫中朝望疇庸版部光清風還粟里懋績著旂  
常龍峽飛泉碧幢山古木蒼流連詠歸地延仰具  
瞻鄉卽恐蒲輪 召難深荔服藏岳廊諮法憲海  
寓冀熙康未遂高雲臥應知趨治裝

五言律十韻奉贈白陽畢老鄉翁書於斗牛  
槎之得一處

淮甸朱知盛

絲綸許身乞冠蓋出 皇州總憲無雙月司農纔  
一秋徙薪深國計積粟爲軍籌俗朴風承化門清  
訟每休捐資收暴露讞獄釋幽囚聲教頻宣布恩

波實溥周焚魚且歸去卧輒總難留夾岸青驪送  
橫江彩鷁浮片雲看冉冉一水隔悠悠鍾阜他年  
望思君涕泗流

留計東歸贈言

弟吳橋令畢自寅彙輯

男官生際壯

官生際有較正

七言排律

鶴川楊棟朝

乞得閑身自艾年星辰曳倦攬雲烟秣陵早折千  
條柳灤水晚栽十丈蓮閣畫麒麟人豹隱班辭鸞

鶯事鷗眠山中宰相鬚眉綠河上僊翁食息玄醉  
把瓊芝招綺里笑看玉笋出藍田絃聲吹動玻璃  
幃詩句敲殘玳瑁筵戀闕葵心常耿耿籌邊花  
萼正娟娟蒲輪只恐從天下未許輕浮范蠡船

屬吏金城潘光祖

留臺掌後大司徒六府脩明五典敷弘濟艱難承  
運泰坐籌部伍息庚呼姬公未是明農日疏傳先  
懷止足圖人望九章嗟信宿駕還三徑理荒蕪葱  
青樹長雙條玉長白山儲千里駒雖以傳經存晚  
計更須調鼎向天衢九重正想夔龍佐四字爭  
思霖雨濡眉壽卽今將指使霞觴端與鶴書俱

江夏郭文封

論道經邦亮一人調元贊化茂孤卿夾持日月雙  
輪照會感風雲二氣清魯岱齊淄亞丰格秦松漢  
栢凜周行動勲崇民部無憂杞眷渥離垣有誦楨草  
野黎顏誰菜色岩廊嘉告盡葵誠東南財賦饒飛

輓西北鍾彝待繫纓危論螭頭餘舊檻高尋鷗渚  
愜新盟三公不易凌中嶽一介精叅矯北溟正是  
富民堪大拜誰言益下不干璜小吏渥膏春細雨  
老臣垂照夜恒星金刀錢布同疇範舟楫鹽梅望  
彙征粒粒聚恩如聚米聲聲吹德勝吹笙茅堂遙  
憶攀龍謁鈴閣如聞嘯虎聲挽回世道稱真宰會  
見 皇王億太平

屬吏西秦田有年

畢公釐保已多年節鉞高開天府邊飛輓津門饒  
轉運灌輸留後復流泉籌先借箸歸黔餉蠹剔侵  
漁弼仔肩仰給倥偬劉宴策坐消楛菹李常賢素  
絲獨著羔羊節丹鼎能令雞犬仙一疏初衣方自  
乞三公華廡便相捐濯纓湖有芙蓉伴祖道人攀  
鸞鳳羈總是蒼生懷謝傅東山未許共留連

大司徒白翁畢老師 予告榮旋俚言奉送

門生雲間顧國縉

司農萬寶告成初詔許抽簪暫返廬游倦固應聊  
息駕時清豈合卽懸車長干衰柳難留騎夾谷深  
林好着書勛在廟廊雖鼎勒性親鷗鷺樂郊居南  
山採秀情虛戀北極和羹力有餘周室中興方藉  
尹漢廷止足未同疏重教初服生烟霧旋睹徵綸  
出石渠故里媿將函丈忝陪京欣奉客顏舒歌驪  
詎忍分金絡望袞還期拜玉除指日老成仍召用  
無繇龍臥欲何如

石隱園

六弟自寅

我兄愛石矢弗諉早歲先開石隱園  
斷遍青山探月窟鏟平碧落躡雲根  
恍疑滇國來玄象忽訝丹山翔彩鶴  
獬豸觸邪讒佞盡鷹鷂驅雀醜夷吞欲  
開菡萏炫晴日乍吐奎光映斗垣  
壁立空靈觀察妙天藏渾沌識真元  
雨餘苔長滋清潤月下烟凝倍栗溫  
竹影橫披光菴靄松風斜拂勢騰掀  
排衙

閣外看如畫肅隊堂前聽不諠古樹參天常蔽芾  
密蘿覆地自網緼騷人尋賞停游屐元老摩娑駐  
大軒我亦從來耽石癖苦無慧劍割冗煩

留計東歸贈言

弟吳橋令畢自寅彙輯

男官生際壯

官生際有較正

七言絕句

屬吏巴蜀王建忠

先後追隨海岳光仙宗蚤已倦遊梁由來憲老思  
黃髮爲促舍人好治裝

其一



雷侯辟穀事如何丹穴遙分五色多咫尺龍門千  
萬里無緣東海問煙蘿

其二

聖明詔許賦歸來鸞鶴踟躕海上回多少風塵車

馬客幾人閒臥白雲狼

其三

栢府曾沾柱下霜何緣畫省謬爲郎臨岐欲奏巴  
人曲笑指南山晚正芳

其四

青山海上夢曾疎焚得銀魚却遂初爲問漁樵相  
識否飄然舊是白尚書

其五

國計民生奈若何憂時無那泪滂沱懸知夷夏瞻  
司馬未許丹心付薜蘿

其六

白翁老公祖請告歸溜青歲暮妻其離懷充  
斥漫賦十絕言別

華亭治民唐汝詢

桂香飄處謁司農踐豆相邀意更濃不料雙旌難  
久駐陽關歌卽在玄冬

其一

大聖如周不易逢洛城卜後欲明農公今亦愛田

園樂須慮徵綸出九重

其二

縱然恬曠樂閒居心跡還應擬二疎試問漢廷平  
勃葦幾人瀟灑在田廬

其三

舒卷隨時道益尊投簪歸且臥雲根赤松舊隱華  
不注逢着黃庭好共論

其四

臨吳清似三江水鎮海威當萬里城誰謂急流難  
勇退司徒署裏謝歸耕

其五

溫旨俄然下紫霄老臣歸喜傍漁樵卽愁白下呼

庚急請粟何人引舊條

其六

五葺城裏舊遺氓廿載纔通一姓名正喜論文起

東閣乞身疏已入承明

其七

長干雨定雪將飛心逐懸旌帳有違一曲驪駒千

片淚何人更禮芰荷衣

其八

客中書劍總蕭然謬以雕蟲得見憐三月步趨千

里別大江斜日浸寒烟

其九

官署籤緝未暇傾閉門今擬著書成秦淮濟水無

多遠秋鴈南來好寄聲  
其十



